



*Allaffeqarfik/Head
Office:*
Aqqusinersuaq 31, 1.
sal
P.O.Box 386

3900 Nuuk

Tlf.: +299 32 24 22

Fax: +299 32 57 15

Email: knapk@knapk.gl

Homepage:

www.knapk.gl

Ulloq, 15.01.2024

J.nr. 11.02.02 / MP

**Aalisarnermut Piniarnermut Naalakkersuisoqarfik
/MAANI**

Att.: APN **Nuka Møller Lund**
Mailadr.: apnn@nanog.gl

Una pill.: Tuttunniarnissamut Umimmanniarnissdamullu piffissaliussat pillugit KNAPK-miit akissuteqaat

**Ukiuunerani 2024-imi tuttunniarnissamut umimmanniarnissamullu
piffissaliussat pisassiisutillu pillugit tusarniaanermut KNAPK-miit akissuteqaatit.
(Tusarniaaneq killeqarpoq 15. Januar 2024)**

Tuttut – KNAPK-miit akissutit:

Aqutsiveqarfik Qaanaaq :

- Piffissaliussat, Inussutissarsiutigalugu 1. januar – 30. april, tusaatissatut tiguneqarpoq, aalajangersareersimammat.

Piniarfik Nuussuaq :

- Piffissaliussat 29. januar – 18. Februar 2024 ajorineqanngilaq.

**Tuutunut tunngatillugu KNAPK-miit immikkut piunasaqaatigaarput
ukiuunerani tuttunniartarnermi sunngiffimmini piniartartut kalaallit
Nunatta kitaani pisassinneqartassanngitsut.**

Umimmaat – KNAPK-miit akissutit:

Aqutsiveqarfik Qaanaaq :

- Piffissaliussat 1. Januar – 15. April 2024, tusaatissatut tiguneqarpoq aalajangersareersimammat.
- 2023-imi pisinngitsuukkat piniarneqassallutik.

Aqutsiveqarfik Ittoqqortoormiit :

- Ukiuunerani **marts tamaat** umimmanniarfiussasoq, tusaatissatut tiguneqarpoq, aalajangersareersimammat.
- Umimmattassat 60-iupput.

Aqutsiveqarfik Maniitsoq:

- Piffissaliussat 29. Januar – 18. februar 2024, **ukiuunerani pisanut assartuutit Kalaallit Nunatsinni mattunneqarsinnaanngillat.**

- Umimmaat 100-ut pisassiissutigineqarput.
- Maniitsumiit piumasarineqarpoq pisassissutigineqartut ilaneqarnissaat, aammalu **Kangerlussuup eqqaani** kisitsisoqarnissaa utaqqinngikkaluarlugu pisassiisoqarnissaa piumasarineqarpoq.
- Ukiuunerani Maniitsumiik pisuinnarluni umimmanniartoqarsinnaanngimmat assartuutitik motorilinnik atuinisaaq ammatinneqassasooq piumasarinrjarpoq.

Aqutsiveqarfik Maniitsumi umimmaat ilaat amerliartorlutik kujavaraluttuinnarput Atammimmiit piumasarineqarpoq atammiiup timaani umimmaat kisinneqarnissaat maannakku allaat sissami takussaagaluttuinnarmata.

Aamma Siornali piumasaraarput Nuup eqqaani umimmaat takussaagaluttuinnarmata kisinneqarnissaat, kisinneqareerpata Nuup immikkut umimmaqarfittut pisassiivinngorsinnaammat.

Aqutsiveqarfik Sisimiut:

- Pifissaliussat 29. januar – 11. februar 2024 ajorineqanngilaq.
- Sisimiuniit piumasarineqarpoq 2023-imi pisarinngitsuukkanik piniartitsinisap saniatigvut nutaanik pisassiissuteqartoqarnissaa, piniartunut imminut akilersinnaasunngortitsisumik amerlassusilikkanik.
- Aammalu **Kangerlussuup eqqaani** kisitsisoqarnissaa utaqqinngikkaluarlugu pisassiisoqarnissaa piumasarineqarpoq, piniartunut imminut akilersinnaasumik piniartitsisoqarnissaa anguniaqquneqarpoq, naammatsunik amerlassusiliinikkut.
- Ukiuunerani Sisimiuniit pisuinnarluni umimmanniartoqarsinnaanngimmat assartuutitik motorilinnik atuinisaaq ammatinneqassasooq piumasarineqarpoq.

Sisimiuni Immikkoortortaqaarfitta marluusut ataatsimut oqaaseqaataat:

Ukiuunerani Kangerlussuarmi umimmanniarnissamut tusarniummi piniarfik 2,3,4-lu matoqqatinniarnerninut Sapp aamma Saapp imatut akissuteqarput. Matoqqatitsiniarneq akuerineqanngilaq kisitsisimanermik aammalu Piniartut inuussutissarsiutigivillugu atuisut tamakkiisumik ilisimasaannik misilittagaannillu tunngaveqanngimmat.

Kisitsisoqarumaarnissaali kissaatsigineqarpoq umimmaat suussusaannut suiassusaannullu agguataarneri immikkoortitaarneri ilanngullugit, canadammi dronet atorlugit kisitsisalersimanagerit aamma isumassarsiorfigineqarsinnaapput.

Piniartitsisartut piniartitsisarnerat nutaamik nalilersoqquneqarpoq, Isumaqartoqarmat piniartitsisartut piniartitsisarnerisa piffissaata sivisuvallaalernerata kingunerisaanik tiggaat amerlavallaat pisarineqartalersimasut, tamatumalu kingunerisaanik tiggaat ikippallaalersimasinnaasut.

Taamaalilluni umimmaat suiassutsinut agguataarneri innarlerneqartut, Aammalu umimmaat tiggaat nuliunerisa nalaani augustimi eqqissisimatinneqatariaqartut.

Piniartitsisartut aamma nutaamik nalilersuiffigeqquneqarput Nunaqavissut piniartitsisartuunissaat anguniaqquneqarpoq, kommune-miillu akisussaafiup tamakkiisumik tiguneqarnissaa sapp aamma saapp peqatsigalugit ingerlanneqalerniassammat, Knapk tamanna sulissutigissagaa ataatsimiitut kissaatsigaaq.

Eqqunngitsumik aquneqarnerup tusaajumaneqannginnerullu kingu-neri:

Sisimiut aqutsiviani isortup tungaanut aammalu piniarfik 2-mut mattussaalluta, Pinngitsaaliaalluta piniarfik 3-4 mukartsitaagatta tamarsuatta

tassunnangisaannartut ilanngullugit massakkt kinguneri nuipput, Tassa 3-4-mi aasami ukiumilu sakkortuumik piniagaaleramik tamaani ungarput tiffarlutillu, Nungulinngikkaluarpur.

Inuussutissarsiuqavissut atuisut siunnersuutaat misilittagaallu:

Umimmannik piniarfiit aqutsiviit marluinnangotinneqarnissaat Piniarfik 1 aamma Piniarfik 2 tassa taaguutit 3-4-5 atorunnaarlugit, Piniarfik 1 massakkt ileqqatut, Piniarfik 2 Nassuttuumiik, Tasersiamut, Kanngerlussuup Nunaqarfittut killinga mianeralugu.

(Tassa tutunut Piniarfik 2 taamaareerpoq)

Aammalu umimmaat amerlassusiisigut aqutsivinnut nalilersuilluarnikkut killilerneqartarneri ataqqillugit, Kiisalu piniarfiutsitaasup piffissaatsigut nalilersuilluarnikkut killilerneqartarneri ataqqillugit, Taamaaliornikkut umimmaat assigiinnerusumik ilanngertorneqarnissaat anguneqassammat.

Aamma uumasuutilittut karsikkaani kipparissuni uninnganeq ajorput nujuartaagamik, Avannamut, Kujammut, Kimmut, Kangimullu assut angallarittarput neriniarfitik ukiullu nikeranera malittarilluartarpaat.

Ukiuunerani qaammatip aappaa avillugu piniagaasarallaramik, Kangerlussuullu kujataatungaani pisarineqarsinnaasut qummut killiligaanngikkallaramik, Aamma piniarfiit kipparissunngunut karsinnguanut immikkoo-titsigaanngikkallaramik, Kiisalu Piniartitsisartut taamak sakkortutsigisumik Piniartitsisannngikkallarmata, Kangerlussuup eqqaani umimmaat 2 tusind missaani pisarineqartarput, Soorunami piniarfik naagaangat Kangerlussuup eqqa takussaasuerukkallartarpoq, sukkasuumillu immeqqikkiartulertarpoq Neriniarfigissisarami.

Soorunami Piniarnerup naaqqammernerani kisitsinissaq tulluanngilaq, Aatsaat immereernerini kisitsisoqarpat tulluarnerussaaq.

Ukiuunerani umimmaat amerlanerpaartaasa sermersuaq qanillattortarpaat Naak issikkaluaqisoq, Tassami qiviulissuanngoqqasaramik taamaalinerani issik apequtaatittarpassinngilaat aputikinneriortarpassikkamik, Tassa tutut ileqquisa illuatungerluinnaanik ileqqoqarput, Tutut ukiukkut sineriammut issikinneriortarpassikkamik qiviuninneq ajoramik, Aatsaami aasami sineriak angullugu angalaalertaramik umimmaat.

Aammalu Aasami piniagaasarnerat nutaamik nalilersuiffigisariaqarpoq, aasami kangerlussuup kangerluttaani umiatsiarpassuit atorfilippassuarnik pigineqartut assut takussaasarput, tassa umimmaat augustimi nuliunerisa nalaani assut akornusersorneqartarput, Ukiumilu atorfillit piniartitaagaluttuinnarnerat aamma nutaamik naliliivigineqartariaqartoq ataatsimiittut kissaatsigaat.

Sisimiut Aqutsiviani aasami ukiamilu pisarineqanngitsoortorpassuusartut Inuussutissarsiuqavissut Piniartunut paggatassiissutsigineqartalernissaat aamma kissaatsigineqarpoq.

Inuussutissarsiuqavissut Piniartut aamma oqaatsigaat inuiaqatsigiinnut tikeraanullu neqissaqartitsiniaaqataaerminni sunnguamilluunniit atortuminnut tapiissutisiaqaratik, Savaatilittulli ESU-mut saaffissaqaratik ATV, snescooterit, kalittakkat, Qimmit, Qamutit atortorpassuillu allat [il.il.](#)

Ilaatsigullu tunitsivimmuut suusupajugisaasarlutik ilaanni ukiut arlariinni tunitsiveqarneq ammassarnani Kangerlussuarmi, Tassa missukutaavugut.

Assersuusiussaagut:

Aasaq tutunut tusarniaasoqarmat misilittagaqarluartutut siunnersuuteqarput tutut piniagaanerat oktober 5-ani piniarneq tamanut unissasoq Tutut nuliunerini aatsaallu december aallaqqaataani inuussutissarsiuqavissut Piniartunut ammaqqillugit januar naaneranut, Keermiaa tusaaneqanngilagut massakkt ersissutigaarput aamma taakkununnga mattussaaratarsinnaanerput.

Naggataagut uvani tusarniaaerminni neriuppugut akissutsigut misilittakkanik tunngavillit tusarneqarlutik malinneqarumaartut, Aamma ilisimasagut

misilittakkagullu Inatsimik illersugaammata uuma allatap ataani Inatsit tigusiiffigalugu nuisitatsinni.

Aqutsisoqarfik Kangaatsiaq:

- Piffissaliussat 29. Januar – 11. Februar 2024, ajorineqanngilaq.

Umimmaqarfik Naternaq:

- Piffissaliussat 12. Februar – 10. Marts 2024, ajorineqanngilaq.

Umimmaqarfik Ivittuut:

- Umimmaqarfik Ivittuuni umimmaat tuttullu ataatsimut nerisaqarfini Umimmaat tuttullu amerlavallaalersimanagerat siornali nilliaatigilerparput, nersutit tamarmik ataatsimut nerisassaqarniarnikkut ulorianartorsior-tussaammata ikilisarneqarnissaat piumasariuarparput itigartitaajuarlutalu. Qaa, nersutit taakku namminneq toqoralinnginnerini ukiuunerani pisassiisoqarnissaa iloungersortumik piumasariqarpoq.

Umimmaqarfik Sigguk:

- Umimmaqarfik Siggummi umimmaat avannamut siaruartorujussuupput aamma Siggup nunataa tamakkivillugu siammarfigalugu, taammammatt Siggummi umimmaannik kisitsinissaq ukiukkut apueqarnerani ingerlanneqarsinnaagaluarpoq Naalackersuinikkut pimoorussisoqarpat.

Tuttut Umimmaallu nunatta sineriaani tamarmi siaruaraluttuinnarnerat 2023-imi oqariartuutiguarparput, aamma nunatta Piniarneq pillugu Siunnersuisoqatigiivnut KNAPK-miit saaqqummiunnikuullutigu, kisianni tassa ulloq manna tikillugu Naalackersuinikkut qanoq iliuseqartoqanngilaq tamakku pisut Naalackersuinikkut qanoq iliuseqarfigineqartannginnerat Inuiaqatigiinnut kalaaliusunut toqqissisimananngilluinnarpoq.

Piniakkanut suugaluartunilluunniit killilersuinerujussuaq nunami maani ingerlanneqarpoq, illuatugaatigullu sunngiffimminni pinialuttartut aningaasarsiorluartorsuit ilarparsui malitassanik saneqqutsillutik piniakkanik atorerluisartut isiginiarneqarnerusariaqalerput, piujuuanartitsinissamik pingaartitsinerujussuatta aqqani.

KNAPK-miit ilanngullugu ilungersorluta Naalackersuisunut piumasaraarput, Nunatsinni takornarianik piniartitsisartut tuttunniarnermi umimmanniarnermilu salliutinneqaraluttuinnarnerat unitseqqullugu. Nunami maani piniakkanut sunulluunniit Inuussutissarsiutigalugu piniartut salliutinneqartussaammata, FN-ip isumaqatigiissutai naapertorlugit. Aamma takornarianik piniartitsisartut aamma Piniarnermik Inuussutissarsiutillit allagartaqalersarnerat pissusissamisuunngitsut taasariqarpoq. Taakkuuppummi takornariartsitsisarnermik inuussutissarsiuteqartut.

Inussiarnersumik inuullaqqusillunga
Kalaallit Nunaanni Aalisartut Piniartullu Kattuffiat
sinnerlugu

Henning Dalager
Piniarneq pillugu
Siunnersuisoqatigiit
siulittaasuat